

Izabrani zvaničnici BiH moraju raditi svoj posao

Izjava visokog predstavnika Valentina Inzka:

„Danas sam održao sastanak s ambasadorima zemalja članica Upravnog odbora, kao što sam obećao prosvjednicima ispred Parlamenta BiH u noći između četvrtka i petka. Ključna tema razgovora bilo je aktuelno pitanje neusvajanja trajnog rješenja za JMB u Parlamentarnoj skupštini BiH i snažna reakcija javnosti na taj propust.

Upravni odbor mi se pridružio u mišljenju da je puna odgovornost za rješavanje ovog pitanja na domaćim vlastima. Upravni odbor nije želio oslobođiti izabrane zvaničnike BiH njihove odgovornosti. Parlamentarna skupština BiH mora provesti presudu Ustavnog suda BiH – što predstavlja dejtonsku obavezu – tako što će što prije usvojiti trajno rješenje koje će zadržati jedinstveni sistem na nivou države.

Nakon što sam u četvrtak navečer lično razgovarao s demonstrantima, kao i sa mnogim građanima širom zemlje, savršeno mi je jasno da postoji široko rasprostranjeno nezadovoljstvo politikom u ovoj zemlji koja ne ispunjava najosnovnije potrebe građana – u ovom slučaju prava novorođenih građana. Protesti kojima svjedočimo ovih dana širom Bosne i Hercegovine trebali bi probuditi političku klasu u cjelini i svakog političara pojedinačno bez obzira na stranačku pripadnost. Došlo je vrijeme da oni temeljito promijene svoj pristup politici i pokažu rezultate koji će zemlju povesti naprijed.

Želim također istaknuti da su pokušaji da se događaji od četvrtka prikažu kao etnički motivirani potpuno promašili metu i suštinu protesta, a to je opće nezadovoljstvo građana u cijeloj BiH. Neki političari bi mogli doći u iskušenje da

iskoriste situaciju kao još jedan izgovor da ne dođu na posao i da ne donose odluke za što su plaćeni. Bila bi to krajnje pogrešna procjena raspoloženja u zemlji. Prisustvo na sjednicama institucija Bosne i Hercegovine nije stvar izbora za izabrane zvaničnike, koji su dobro plaćeni za svoj posao, nego njihova obaveza prema biračima koji su ih izabrali.

Pravo građana na protest i pravo na izražavanje mišljenja su temeljna prava. Demokracija ne znači samo izlazak na izbole svake četiri godine. Mirni protesti su legitimni i normalni, sve dok se održavaju u skladu sa zakonom i ne ugrožavaju prava drugih i nesmetan rad institucija. Štoviše, korištenje prava na mirne proteste nije ništa loše za imidž Bosne i Hercegovine. Upravo obrnuto: aktivan građanin, koji je spremjan zahtijeva odgovornost vlade, od suštinske je važnosti za funkcionalnu demokraciju koja radi u interesu svojih građana. Želim izraziti poštovanje građanima u cijeloj Bosni i Hercegovini koji su posljednjih dana na miran i dostojanstven način zahtjevali pozitivne promjene u interesu svih.“